



Cynllun Datblygu Lleol Newydd 2018-2033

Papur Cefndir

Gorffennaf 2019

**PC 05: Arfarniad y Rheoliadau Cynefinoedd
Crynodeb**

Mae'r ddogfen hon ar gael i'w gweld a'i lawrlwytho ar wefan y Cyngor yn: www.conwy.gov.uk/cdlln Mae copïau hefyd ar gael i'w gweld yn y prif lyfrgelloedd a swyddfeydd y Cyngor a gellir eu cael gan y Gwasanaeth Polisi Cynllunio Strategol, Coed Pella, Ffordd Conwy, Bae Colwyn LL29 7AZ neu drwy ffonio (01492) 575461. Os hoffech chi gael gair â swyddog cynllunio sy'n gweithio ar y Cynllun Datblygu Lleol ynglŷn ag unrhyw agwedd ar y ddogfen hon, cysylltwch â'r Gwasanaeth Polisi Cynllunio Strategol ar (01492) 575181 / 575445/ 575124 / 574232.

Gellir darparu'r ddogfen hon ar Gryno Ddisg, yn electronig neu mewn print bras a gellir ei chyfieithu i ieithoedd eraill. Cysylltwch â'r Gwasanaeth Polisi Cynllunio ar (01492) 575461.

Mae Peter Brett Associates (PBA), sydd bellach yn rhan o Stantec, wedi'u comisiynu gan Gyngor Bwrdeistref Sirol Conwy (CBSC) i gynnal Arfarniad o Gynaliadwyedd ar Gynllun Datblygu Lleol Newydd Conwy 2018-2033 sy'n cael ei ddatblygu ('y CDLI newydd'). Mae'r Arfarniad yn cynnwys Asesiad Amgylcheddol Strategol (AAS) ac Asesiad Rheoliadau Cynefinoedd (ARhC).

Mae'r Adroddiad yn ymateb i ofynion Rheoliadau Gwarchod Cynefinoedd a Rhywogaethau 2017 (y Rheoliadau Cynefinoedd) sy'n gweithredu gofynion Cyfarwydeb Cynefinoedd 92/43/EEC y Comisiwn Ewropeaidd. Ystyrir a yw'r CDLI newydd yn debygol o gael effeithiau arwyddocaol ar safleoedd sydd wedi'u dynodi o ddiddordeb bioamrywiaethol ar lefel Ewropeaidd, un ai ar eu pennau eu hunain neu ar y cyd â chynlluniau neu brosiectau eraill.

Nododd dadansoddiad ar system gwybodaeth ddaearyddol bod 23 Safle Ewropeaidd mewn 21 lleoliad o fewn 15km o ffin y CDLI newydd. Ystyriwyd bod cyfanswm o 12 o'r Safleoedd Ewropeaidd hyn yn berthnasol i'w hystyried yn y broses sgrinio.

Nododd proses sgrinio'r Polisiâu Strategol sydd wedi'u nodi yn y CDLI newydd y canlynol:

- Nodwyd **Polisiâu Strategol 3, 11 a 15** fel rhai a oedd â photensial am effaith arwyddocaol debygol, anuniongyrchol ar Safleoedd Ewropeaidd. Mae effaith arwyddocaol debygol wedi'i nodi mewn perthynas â: diffyg sicrwydd ynghylch maint, nifer y safleoedd a'r math o ddatblygiad; potensial am effeithiau anuniongyrchol os bydd datblygiad yn agos neu os yw'r safle wedi'i gysylltu, neu ei gysylltu'n hydrolegol, â Safleoedd Ewropeaidd;
- Wrth ystyried dyfarniad Llys Cyfiawnder yr Undeb Ewropeaidd yn *People Over Wind and Sweetman v Coillte Teoranta (C-323/17)*, mae'r CDLI newydd wedi'i sgrinio heb ystyried **Polisiâu Strategol 18, 19 a 20**. Ystyrir bod y polisiâu hyn yn 'lliniaru' effeithiau ar Safleoedd Ewropeaidd ac felly nid ydynt yn cael eu hystyried yn yr asesiad sgrinio hwn; ac
- Ni ddaeth proses sgrinio ar y polisiâu a oedd yn weddill yn y CDLI newydd o hyd i unrhyw effaith arwyddocaol debygol ar Safleoedd Ewropeaidd. Mae hyn, i raddau helaeth, oherwydd bod y polisiâu'n cynnwys fframwaith datblygu sy'n ceisio gwarchod yr amgylchedd a chyd-fynd ag egwyddorion cynaliadwyedd. Gan gymryd y bydd cydymffurfiaeth â'r polisiâu drafft hyn, nid oes unrhyw lwybrau effaith posib' ar Safleoedd Ewropeaidd wedi'u nodi.

Mae proses sgrinio Safleoedd Posib' sydd yn y CDLI newydd wedi nodi effaith arwyddocaol debygol mewn perthynas â phum safle Ewropeaidd:

- Traeth Lafan, Bae Conwy (ACA/AGA);
- Bae Lerpwl (AGA);
- Coedwigoedd Penrhyn Creuddyn (ACA);
- Eryri (ACA); ac
- Y Fenai a Bae Conwy (ACA).

Mae angen ystyried ymhellach a oes potensial am effeithiau arwyddocaol tebygol ar y Safleoedd Ewropeaidd hyn pan fydd cynlluniau datblygu manwl ar gyfer Safleoedd Posib' ar gael.

Casglwyd y bydd angen Asesiad Priodol mewn perthynas â'r CDLI newydd sy'n cael ei ddatblygu. Nid oes unrhyw bolisiâu yn y CDLI newydd sy'n debygol o gael effaith arwyddocaol ar unrhyw Safle Ewropeaidd ar y cyd â chynlluniau neu brosiectau eraill.